



Broj:01,02,03,03/11-05-1-384/16
Sarajevo, 15.03.2016. godine

IZVJEŠTAJ O POSJETI DELEGACIJE PREDSTAVNIČKOG DOMA PARLAMENTARNE SKUPŠTINE BOSNE I HERCEGOVINE ITALIJI

Predsjedavajuća Predstavničkog doma Parlamentarne skupštine Bosne i Hercegovine gđa Borjana Krišto, g. Mladen Bosić i g. Šefik Džaferović, zamjenici predsjedavajuće, na poziv gđe Laure Boldrini, predsjedavajuće Predstavničkog doma Parlamenta Republike Italije, boravili su u uzvratnoj bilateralnoj posjeti Italiji 04.03.2016. godine.

Iskazujući dobrodošlicu delegaciji Predstavničkog doma PS BiH, gđa **Boldrini** je izrazila nadu da će i ovaj susret doprinijeti unapređenju bilateralnih odnosa te posebno naglasila značaj potpisivanja Protokola o parlamentarnoj saradnji između dva doma kao dodatnom poticaju buduće saradnje.

Gđa Krišto se osvrnula na iskorak koji je BiH napravila podnošenjem aplikacije za članstvo u EU te pozdravila dosadašnju, a posebno istakla nadu u buduću parlamentarnu saradnju osnaženu i zajedničkim potpisom dokumenta o međuparlamentarnoj saradnji između Predstavničkog doma PS BiH i Predstavničkog doma Italije koji će dati pozitivne smjernice ukupnim odnosima između naših domova, predstavnika direktno izabраних парламентараса. Istakla da je u predstojećem periodu pred parlamentarcima BiH veliku obaveza i iznimno značajna posao u pogledu zakonske regulative te da će i potvrđena saradnja sa talijanskim parlamentom biti od velikog značaja.

Obostrano je konstatovano da parlamentarna diplomatija čini osnov i drugih oblika saradnje veoma potrebnih i korisnih za sve nas, ali i zemlje članice EU poput Italije gdje se, na udaljenosti samo od dest milja dešavaju i krvoprolića i velike migracije stanovništva.

Gđa Boldrini se osvrnula na trenutno najveći problem zemalja EU, na priliv velikog broja izbjeglica zbog kojih su sve prisutnija razmišljanja o uvođenju granica između članica EU, te drugih zaštitnih mjera koje nisu u skladu sa izvornim principima zajedništva.

Informisala je članove BiH delegacije da je inicirala potpisivanje Deklaracije „Veće Evropske integracije: Put naprijed“ sa kolegama iz Predstavničkog doma Francuske, Bundestaga Njemačke i Predstavničkog doma Luksemburga, o potrebi da se evropskim integracijama da novi impuls. Posebno je istakla značaj i ulogu parlamenata u jačanju Evropske unije, te nadi da će i zemlje u fazi predpristupanja velikoj evropskoj porodici saradivati na konstruktivan način radi bolje i izvjesnije budućnosti.

g. Bosić je izrazio zadovoljstvo susretom dvije delegacije, potpisom dvije predsjedavajuće dokumenta o međuparlamentarnoj saradnji te naglasio značaj onoga što nam je zajedničko s Italijom; dijelimo isti geografski prostor što nas i obavezuje na više solidarnosti u cijeloj

Evropi. Naglasio da problem s izbjeglicama i migracijama koje trenutno najviše pogađaju Italiju, Grčku može vrlo lako postati i problem svih država u okruženju.

g. Džaferović je izrazio uvjerenje da će veoma dobre odnose između naših parlamenata ovaj Protokol još više unaprijediti i dati šanse za još bolju međuparlamentarnu saradnju. Naglasio da problemi savremenog svijeta zahtijevaju aktivniju ulogu, ne zatvaranje očiju, te u vezi s tim pohvalio inicijativu predsjednice Boldrini za jedinstvenim i odlučnim nastupom u rješavanju važnih pitanja

G. Boldrini je još jedanput ponovila da samo zajednički možemo postizati i više te pozvala da se fokusiramo na ono što nas jača. Podsjetila članove delegacije Predstavničkog doma PS BiH da će Deklaraciju „Veće Evropske integracije: Put naprijed“ aktualizirati na majskoj konferenciji predsjednika parlamenata zemalja članica EU u Luksemburgu.

Protokol o međuparlamentarnoj saradnji potpisale su gđa Borjana Krišto, predsjedavajuća Predstavničkog doma PS BiH i gđa Laura Boldrini, predsjedavajuća Predstavničkog doma Parlamenta Italije u prisustvu g. Mladena Bosića i g. Šefika Džaferovića, zamjenika predsjedavajuće PD PS BiH u sali Aldo Moro.

Prilozi:

1. Protokol o međuparlamentarnoj saradnji na bosanskom, hrvatskom, srpskom, italijanskom i engleskom jeziku
2. Deklaracija: Veće Evropske integracije: put naprijed

Izveštaj pripremila:

Mirsada Bukarić-Kovačević

Izveštaj odobrila:

Borjana Krišto

Predsjedavajuća Predstavničkog doma PS BiH

Dostavljeno:

- Kolegiju Doma naroda PS BiH
- Komisiji za vanjske poslove PD PS BiH
- Kolegiju Sekretarijata PS BiH
- a/a